



BURUNTZALDEA IKT

2016/2017 denboraldia zehar Buruntzaldea IKT igeriketa taldeak osasun ederrean jarraitu du. Taldeko partaideei dagokionean, azken urteetako igerilari kopuruari eutsi dio, igeriketa gure herrian errotua dagoenaren seinale.

2016/2017 denboraldian zehar gure taldeak 150 igerilarien bueltan jarraitu du, hasiberriak izan diren 2009an jaiotako umeetatik hasi eta Master ataleko igerilari helduenararteko adin tarteetan. Aipatu beharra dago baita ere, emakumezko zein gizonezkoen parte-hartzea oso orekatua izan dela orokorrear.

La sección de Natación Adaptada desarrolla una gran labor, en especial en favor de aquellas personas con movilidad reducida

Klubaren baitan dauden atalei dagokionez, taldeak orain artekoari ondo eutsi dio, adin eta kategoria desberdinako igeriketa eskolar zein federatuaz gain, masterren atalean ere lan eginez jarraituz. Denboraldi honetarako, "Estiloak" atala denboraldi batez albora utzi genuen, bere antolaketa, helburu eta formatuari buelta bat emateko asmoz. Horri 2017/2018rako buelta eman bitartean, ur irekiei begira, ekainaren erdialdetik aurrera kontxako badian burutu genuen "Master SwimCamp" jarduerari zabaldu genizkion ateak, ur ireki eta itsas zeharkaldietako probak prestatzeko aukera eman asmoz eta jarduera hau nahi zuen edonori irekiz.




El curso 2016-2017 de Buruntzaldea IKT se ha desarrollado satisfactoriamente. Sigue aumentando el número de nadadores, lo que da fe de la pujanza de la natación en nuestro pueblo



IGERIKETA ESKOLARRA

Eskolarrei dagokionez, gure taldeak ohiko lanean jarraitu du, gurekin hasten diren umeak igeriketaren kirolean formatuz eta bide batez, hori bera bizitzarako ikaskuntza moduan baliatuz. Kirol arloari dagokionez, ohikoak diren Gipuzkoa barruko lehiaketetan hartu dute parte gure igerilariek. Horien artean, alebin kategorian, haur ugari izan ditugu Gipuzkoako Eskolarteko Txapelketetan eta orokorrean ohiko maila ona izan dute gure hau-rek. Arlo honetan, gure benjaminek, "Kirol Zehaztasun Liga"-ko (KZL) eta "Test" topaketetako 5 jardunaldietan hartu dute parte eskolar mailan. Maila berean, alebinek, "Alebin Liga"-ko zazpi jardunaldietan parte hartu dute. Bai benjaminek eta baita alebinek ere, euren ohiko jardunaldiez gain, neguko Sari batean, udaberriko batean eta Udako Sari batean hartu dute parte, negukoan Oiartzungo "San Esteban Saria"n parte hartuz, udaberrian Gipuzkoako Federazioaren "50 metrotako Saria"n arituz eta udaran, nola ez, gure taldeak antolatzen duen "Lasarte Saria" jokatuz.



Lasarteko XXVIII Saria

2016/2017 denboraldikoa 28. Edizioa izan zen gure taldeak antolatzen duen "Lasarteko Saria"rentzat. Ohi bezala, haurrentzat denboraldi amaierako festa bezala antolatzen dugun jarduera honek, taldekide berrien erakustaldia ikusteko eta gure haurrak igerian ikusteko azken parada bezala balio izan zuen aurtengoan ere. Gipuzkoa, Euskal Herria edo Spainiako Txapelketarik ez zuten haurrek, sari honekin eta itsasora zein paintball-era egindako irteerekin amaiera eman zieten denboraldiari.



IGERIKETA FEDERATUA

Federatuei dagokionez, txikiekin hasi behar dugu. Izan ere, alebinen kasuan, euren ohiko "Alebin Liga"-ko jardunaldiez eta Sari desberdinez gain, zenbait haur federatu mailan ere aritu direlako, bai "Adinen Arteko Gipuzkoako Txapelketa"n, bai "Alebinen Euskal Herriko Txapelketa"n eta baita "Spainiako Alebin Kategoriako Txapelketa"n ere. Gipuzkoakoan 6 zilar eta 5 brontze lortu zituzten parte hartu zuten zortzi igerilariek, Euskal Herrikoan berriz, urre 1 eta zilar 1 eskuratu zituzten beste gauza batzuen artean. Unai G. Somovilla, Spainiokoan aritu zen, Bartzelonako Picornell igerilekuetan 100 bular eta 100 bizkar probatan bikain arituz.

Infantil, junior eta absolutuei dagokionez, urteko jardunaldi eta lehiaketa guztiak aipatzea ezinezkoa denez, guretzat garrantzitsuenak izan direnak nabarmenduko ditugu.

Batetik Gipuzkoako Kluben Arteko Kopa. Denboraldi honetan, gure taldeak, beste behin ere podiumean egotea lortu zuen eta bitan gainera. Batetik, emakumezkoetan bigarren sailkatu zen gure taldea eta bateratuan ere txapeldunorde izan zen. Mutilak ere bikain aritu ziren laugarren postua lortuz. Gipuzkoako zein Euskal Herriko neguko zein udako txapelketetan ere gureek domina, marka eta errekor ugari lortu zituzten.

Spainiako Txapelketei dagokionez, Iñigo Ibarburu Neguko Absolutu mailakoan aritu zen, Leire eta Ainhoa Martin infantil mailako Neguko zein Udakoan eta Paula Sevillano Spainiako Infantil mailako Udakoan.

Infantil mailako Udakoan emaitza bikainak

Malagan ospatu zen Infantil Mailako Spainiako Udako Txapelketan marka bikainak eskuratu zituzten parte hartu zuten hiru neskek. Batetik, Ainhoa Martin-ek 100 bular proban urea eskuratu zuen eta zilarra 200 bular proban. Leire Martin-ek berriz, brontzea eskuratu zuen 200 bizkar proban. Horretaz gain txapelketa honetan Paula Sevillano ere bikain aritu zen eta hiruren artean marka pertsonal mordoa eta Euskadiko zenbait Errekor berri lortu zituzten.

Euskadiko Errekorrak

Zentzu honetan, 2016/2017 denboraldian zehar gure igerilariek Euskadiko zenbait Errekor berri ezartzea lortu zuten. Batetik, igerileku laburrean, 14 urtekoetan, Leire Martin-ek 100 bizkarreko errekor berria 1:04,68an utzi zuen eta 200 bizkar probakoa berriz 2:17,61ean. Horretaz gain, 200 estiloak probako Euskadiko Errekor berria 2:24,00an ezarri zuen eta 400 estiloak probakoa aldiz, 5:03,59an.

Igerileku luzean, Leirek berak, 200 bizkar probako 14 urteko errekor berria 2:22,17an ezarri zuen eta 400 estiloak probakoa berriz 5:08,82an. Bere ahizpa Ainhoak, 200 bular probako 14 urteko Euskadiko Errekor berria lortu zuen 2:42,16 markarekin.

Gaur egun, errekor hauek eta oraindik ere Iñigo Ibarburuk dituen 6ak kontutan izanda, guztira 13 Euskadiko Errekor dira gure igerilariek dituztenak.



IGERIKETA EGOKITUA

Igeriketa egokituaren atalean, egokitzapen fisikoena alo-rrean, Nahia Zudaire izan da zalantzak gabe taldeko eredu. Nahiak, igeriketa arruntean igeri egiteaz gain, igeriketa egokituko Espainiako Zenbait Txapelketetan egon da, domina eta emaitza bikain mordoa eskuratuz. Batetik adin tarteen Spainikoan, urtarrilean Valdemoron, Txapeldun izan zen Nahia Euskadikoarekin lehiatuz. Euskadikoarekin baita ere, baina Erkidego arteko Spainakoan bikain lehiatu zen absolutu mailan. Aste Santuan, "Etorkizuneko Paralimpikoen Kontzentrazioa"n izan zen Madril-en eta ekainean, Cadiz-en, Absolutu mailako Espainiako Txapelketan, 4 urre eta Spainiako Absolutu mailako 2 errekor berri ezartzea lortu zuen, bata 400 libreatan (6:09,66) eta bestea 50 tximeletan (40,43).

Arlo honi dagokionez, gure taldearentzat oso garrantzitsua da egokitzapen fisikoena arloan ere lan egitea, egokitzapen fisikoak behar dituzten haur eta gazteei igeriketa egiteko aukera emanet eta igeriketa eta kirola bera eremu hauetan sustatzeko asmoz. Etorkizunean ere, arlo honetan hobekuntzak lortzeko lanean jarraitzen du taldeak.



MASTERRAK

Master ataleko igerilariek, ohi bezala denboraldi honetan ere ez dute hutsik egin. Guztira 30 bat igerilari izan dira atal honetan aritu direnak eta denboraldian zehar igeriketa egin dutenak.

Adin tarta handia den arren, ederki moldatu dira denak, eta normalean euren helburu diren ur irekietako lehiaketetan bikain aritu dira, askotan podiumean egotea lortuz.

Master SwimCamp

Ur irekiei dagokionez, denboraldi honetarako jarduera puntual bat zabaldu genuen, itsasoan entrenamenduak burutzeari begira. Horretarako beharrezko materiala lortu eta astean hiru egunez itsasoan entrenamenduak burutzen aritu ginen ekainaren 12tik uztailaren 21era bitartean.

Lehen edizio honetan igerilari dexente aritu ziren eta esperientzia benetan ona izan zen. Aurtengo denboraldian ere aurrera eramateko asmoz gaude, nahi duenak, taldean, itsasoan igeri egiteko aukera izan dezan.

ETORKIZUNA

Etorkizunera begira, 2017/2018 denboraldian "Triatloia" atala jarrako du martxan taldeak, lehiaketarako talde bezela baino, entrenamenduko talde izaera hartuz. Bestetik, urpoloa eta sinkronizatua bezalako atalak zabalzeko lanean jarraituko dugu baita ere.